



**Winterheil (Sommerheil)|| Der Kleinen Catho-||lischen  
Postill/ Jacobi || Feuchthij/ Weyhbischoffs|| zu Bamberg/  
der H.|| Schrift D.||**

Darin[n]en kürztlich vn[d] Catholisch/|| alle Sontägliche Fest vn[d]  
Feyrtägliche|| Euangelien ...

**Feucht, Jakob**

**Cöln, M.D.XCV.**

**VD16 F 850**

Am Feyertag der H. Aposteln Philippi vnd Jacobi.

---

[urn:nbn:de:hbz:466:1-61414](https://nbn-resolving.org/urn:nbn:de:hbz:466:1-61414)

Der Ander Theil/ des  
 Sommertheils/ der kleinen  
 Catholischē Postill Jacobi Feuch-  
 this/ darinnen alle Fest vnd Feyertägliche  
 Euangelien/ vom ersten des Meyen/ oder von  
 Philippi vnd Jacobi/ bis auff das Advent/  
 Christlich/ kätzlich vnd Catholisch  
 aufgelegt werden.

Am 1. tag  
 Meyen.

Am Fest der heiligē Aposteln Phi-  
 lippi vnd Jacobi/ Euangelium  
 Ioan. xliij.



**I**n der zeit sprach IESVS  
 zu seinen Jüngern: Eus  
 wer herb werde nit bes  
 trübt/ vnd erschrecke nit.  
 Glaubt ihr an GOTT/  
 so glaus



so glaubet auch an mich. In meines Vatters Haus seynd vil wonungē. Wo es anders were/ wolt ichs euch gesagt haben. Dañ ich gehe hin euch die stell zu bereiten. Vnd so ich hingehen werde/ vnd euch die stell bereiten/wil ich widder kommen/ vnd euch zu mir reisen/ auff daß ihr seydt wo ich bin. Vñ wo ich hingehe/ das wisset ihr/ vnd den weg wisset ihr auch. Spricht zu ihm Thomas: Herr/wir wissen nit wo du hingehst/ vnd wie können wir den weg wissen? IESVS spricht zu ihm: Ich bin der weg/ vnd die warheit/ vnd das leben. Niemand kompt zum Vatter/ dañ durch mich. Wenn ihr mich kennet/ kennet ihr auch meinen Vatter. Vnd von nun an werdet ihr ihn kennen/ vnd habt ihn gesehen. Spricht zu ihm Philippus: Herr/ zeig vns den Vatter/ so genüget vns. IESVS spricht zu ihm: Binn ich so ein lange zeit bey euch/ vnd ihr habt mich nit kant? Philippe/ Wer mich sihet/ der sihet auch den Vatter. Wie sprichstu dann/ zeig vns den Vatter? Glaubst du nit/ daß ich im Vatter/ vnd der Vatter in mir ist? Die wort die ich zu euch rede/ die rede ich nit von mir selbs: der Vatter aber/ der in mir bleibt/ derselb thut die werck. Glaubte ihr dann nit/ daß ich im Vatter/ vnd der

Vat-

Joan. 2. 8

Joan. 1. 9

11. c  
Joan. 6. 8

Joan. 10. 2

Joan. 3. 17. 8

11. f 14. 6



Vatter in mir ist? Wo nicht/ so glaube mir doch vmb der werck willen. Warlich warlich sag ich euch/ wer an mich glaubt/ der wirdt die werck auch thun/ die ich thu/ vnd wirdt grössere dann dise thun/ dann ich gehe zum Vatter. Vnd alles das ihr den Vatter in meinem Namen bitten werdet/ das wil ich thun/ auff das der Vatter gepreiset werde in dem Sohn. So ihr mich etwas bittet in meinem Namen/ das wil ich thun.

Eurer Herrs werde nit betrübt 2c.

Joan. xiiij.

**A**uff heut halten wir Catholische Christen/ allenthalben im Catholischen vnd Christlichen Papstthumb/ das Fest vnd herrlichen Feyertag zweyer heiligen Apostel vnd Jüngern Christi vnser Herrs/ nämlich/ Philippi auß Bethsaida in Galilea geboren/ vnd Jacobi des mindern/ so sonsten auch ein Bruder des Herren genennet wirdt/ welche beide auch/ als der Herr gehörtes Euangelium geredet/ dabey gewesen/ solchs von ihme angehört/ vnd volgens ihren Glauben/ Leben/ Wort vnd Werck/ vleissig darnach gericht habe. Weil aber solchs Euangelium/ nit allein zu ihnen/ den Aposteln/ sonder auch zu vns vnd allen Christē/ so ihr wohnung nach diesem zergenecklichen Jamerthal/ ja so bald sich Leib vnd Seel scheiden/ droben im  
Him.



Himmel zu haben begeren/ vom Herren geredet  
ist worden/ welchem auch wir/ nit weniger als  
sie/ auffzumerken/ gehorsam zu leisten/ nit weni-  
ger als sie schuldig seynd/ wil von nöten seyn/ das  
selbig/ auch vns auff heut fürzhalte. Weil aber  
dasselbig vil zu lang/ vnd der schönen/ herrli-  
chen/ nützlichen Lehren/ den Glauben vnd das Le-  
ben betreffend/ so vil in sich begreiffet/ daß sie in  
einer so kurzen zeit nit mögen erörtert werden/  
wollen wir nur zwey auß denselbigen zu handeln  
fürnehmen/ nemlich/ den Anfang vnd Beschluß  
gehörtes Euangelij.

Auff daß aber solches von mir vnd euch/ de-  
sto ordenlicher vñ richtiger möge gehandelt vnd  
vernommen/ verstanden vnd behalten werden/  
soll diese Predig/ vnd die folgende alle (gleich wie  
im Wintertheil auch geschehen) in zween Theil Theilig vñ  
abgetheilt werden. Im ersten Theil vorhaben- Inhalt dieser  
der Predigt lehret der Herr seine Apostel vnd Predig.  
vns: Wie sich ein Christ in verfolgung verhal-  
ten soll? Im andern/ Wo vnd bey weme ein sol-  
cher betrangter Christ/ hilff suchen vnd finden  
soll? Vnd beyneben wollen wir auch anzeigen/  
wie sich Philippus vnd Jacobus hierinnen ver-  
halten haben. Solchs wölt ihr mit gedult anhö-  
ren/ so wil ich euch dasselbig willig/ vnd auff das  
leichtest fürhalten. Hierzu wölle GOTT sein  
Gnad vnd Segen verleihen &c.

**W**As nun den ersten Theil vorha-  
bender Predig belangen thut/ wie sich  
nemlich die Apostel vñ alle Christē/ zur  
zeit ihrer verfolgung/ trübsal/ nachstellung/ ver-  
jagung/



Im Himmel  
vil wohnun-  
gen.

jugung/ Peyn/ Marter vnd tod/ auch sonsten in  
franchheit/ in Armut vnd anderer anfechtung  
verhalten sollen/ lehret vns Christus der Herr  
mit disen worten/ welche seynd der Eyn gang vñ  
Anfang diß heutige Euan gelij: **Euer Herr**  
**erschrecke nit. Glaubt ihr an GOTT/ so**  
**glaubet auch an mich. In meines Vatters**  
**haus seynd vil wohnungen zc.** Wann/ vnd  
warumb Christus seine liebe Jünger/ nit nur die  
zween/ Philippum vnd Jacobum/ deren Fest  
wir auff heut halten/ sonder auch die anderen  
Neun (dann Judas war diß mal nit bey ihnen/  
sonder albereit hin gangen den Herren zu verra-  
then) mit disen worten getröset habe/ ist diß die  
Antwort:

Was sich  
im letzten  
Abendmal  
Christi ver-  
lossen.

Im letzten Abendmal so der Herr mit seinen  
Jüngern zu Jerusalem gehalten/ wenig stun-  
den vor seinem tod/ do er sich mit seinen Jün-  
gern zu tisch gesezet/ das Jüdisch Osterlamb mit  
ihnen gessen/ vom tisch widerumb auffgestan-  
den/ seinen Jüngern die füß gewaschen/ wider-  
umb zu tisch gessen/ sich selbst/ vnder gestal-  
ten Brot vñ Wein/ seinen Jüngern zur Speiß  
vnd tranck gereicht/ fahet er an zu handeln von  
seinem Verräther/ von seiner vnd ihrer ver-  
folgung/ von seiner vnd ihrer verlassung/ von  
seinem vñ ihrem tod/ vnd spricht vnder andern  
zu ihnen: Wahrlich wahrlich sage ich euch: Ei-  
ner vnder euch wirdt mich verrathen. Vnd:  
Ich binn noch ein kleine zeit bey euch. Ihr wer-  
det mich suchen/ vnd wie ich zu den Jüden ge-  
sagt hab/ Wo ich hingeh/ da könt ihr nit hin

Joan. 13.

Christus zu  
seinen Jün-  
gern.

kom-



kommen. Vnd: Ich gehe hin zu deme der mich  
 gesandt hat. Vnd: Ich werde fort mehr nit vil  
 mit euch reden. Vnd: So euch die Welt hasset/  
 so wisset daß sie mich vor euch gehasset hat. Vnd:  
 Haben sie mich verfolget/ so werden sie euch  
 auch verfolgen. Daß ihne Petrus verleugnen/  
 alle andere Jünger aber verlassen werden. Daß  
 sie nit allein auß den Schulen der Jüden auß-  
 geschlossen/sonder von ihnen auch getödtet wer-  
 den ic. Vnd dergleichen mehr hat der Herr sei-  
 nen Jüngern domaln vorgesagt/ darüber dann  
 die Jünger/ so noch schwach vnd den H. Geist  
 nit empfangen hetten/ sehr bekümmert vnd be-  
 trübt seynd worden/ befragten sich vnder einan-  
 dern: Wer der Verräther sene? Wo dann der  
 Herr hin gehen wölle? Sie wölten ihne nit we-  
 der verleugnen noch verlassen/ sonder mit ihme  
 in den tod gehn/ welches doch hernach/ als es an  
 einen ernst gangen/ nit geschehen. Entsetzend  
 sich auch gar sehr vber disen worten/ daß nit al-  
 lein ihr Herr Christus/ sonder auch sie selbst  
 vil Peyn vnd Marter/ ja endtlich auch den bit-  
 tern tod leiden soltē. Vnd diß so vil desto mehr/  
 weil sie gesehen (als Joannes der heilig Euan-  
 gelist/ so domaln am tisch gefessen/ vnd alle  
 Wort Christi gehört/ seine Werck gesehen/ be-  
 zeugt) daß IESVS selbst im Geist betrübt  
 war/ Welches er hernach mit außdruckentlichen  
 worten bekennet/ vnd im Garten zu ihnen ge-  
 sagt hat: Mein Seel ist betrübt biß in den tod.  
 Auff daß aber seine liebe Jünger/ auß diser sei-  
 ner Baletpredig vñ trauriger vorsagung ihres

Die Jün-  
ger vnder-  
einander.

Jesus im  
Geist be-  
trübt.



Apostel wa-  
ren schwach  
ehe daß sie  
den H. Geist  
empfangen  
haben.

Wirkung  
des heiligen  
Geists.

übel haltens/ vnd verfolgung/ nit so gar vnd zu vil bekümmert/ betrübt/ kleinmütig oder verzagt würden/ tröstet er sie widerumb. Dann ihme/ dem Herren/ nit vn bewust gewesen/ daß seine Jünger noch schwach/ den H. Geist noch nit empfangen/ vnd sich/ wie andere Menschen/ menschlich vnd fleischlich/ nit darumb allein/ daß er jekund von ihnen scheiden/ den tod leiden soll vnd will/ sonder auch vber einem jeden drau wort ihrer künfftigen verfolgung vñ tod/ leichtlich entsetzen vñ fürchte. Spricht derhalben der Herr zu ihnen: **Euer Herr erschrecke nit.** Als wolt der Herr zu ihnen gesagt haben: Es ist wol wahr/ daß ich vnd ihr vil Peyn/Marter/vñ endlich auch den tod leidē müssen: Ihr solt aber darumb nit erschrecken/ noch euch vor denen/ so euch den leib tödten/ aber der Seel nit schaden können/fürchten. Ich will euch nit verlassen/ in verfolgung/ in eurer not noch Tod/ vnd in kurzer zeit will ich sampt dem Vatter/ euch/ den H. Geist senden/ der soll euch nit allein lehren was ihr reden vnd antworten solt/ sonder euch auch dermassen im Glauben stercken/ eurer Liebe in mich also enkünden/ zur bekantnuß meines Namens vnd Catholischen Glaubens/ vor Jüden vnd Heyden/ so begirig vnd eyferig machen/ daß ihr euch freuwen werdet/ verfolgung/ Peyn/ Marter vnd tod vmb meines Namens willen leiden. Er/ der H. Geist/ soll euch auch in eurer Marter also beystehn/ daß ihr alle Peyn vnd tod/ leichtlich vnd ohne sonderliche schmerzen/ leiden solt.



So ist auch nit nörtig/ diser vrsach/ so hefftig bekümmert vnd traurig werden/weil ich gesagt/ daß ich von euch gehn werde. Dan ich sage euch die warheit: Ob ich gleich heut dise nacht von euch genommen/ gefangen/ hingefürt vnd morgen getödt werde/ so werde ich doch nit todt bleibē noch im Grabe verwesen/ sonder am dritten tag will ich widerumb aufferstehn/ lebendig auß dem Grab herfür gehn/ vnd zu euch kommen/ euch mehrmaln erscheinen/ mit euch reden/ handeln vnd wandlen/ essen vnd trincken. So ist's auch vnnötig daß ihr darumb traurig werdet/ weil ich am vierzigsten tag nach meiner Aufferstehung/ widerumb von euch zu meinem Himmelschen Vatter gehe/ seitemaln ich nit also noch darumb hingehn werde/ als solt ich euch verlassen. Mein. Ich bleibe bey euch biß zum Ende der Welt. Janus/ gut vnd notwendig ist es euch/ daß ich hingehe. Erstlich diser vrsach: Daß ich euch/ sampt dem Vatter/ den H. Geist sende/ welcher zu euch nit kommen wirdt/ wann ich nit hingehe. Darumb auch/ daß ich euch/ vnd allen frummen Christgleubigen Menschen/ das ort bereite droben im Hümel/ alda ihr bey mir Ewiglich wohnen solt: welchs ort/ ob es gleichwol von erschaffung Himmels vnd der Erden/ euch vermeynt vnd verordnet/ muß es doch erst durch mein Himmelfart eröffnet/ vnd euch zur wohnung taugenlich gemacht werden.

Am dritten tag ist Christus widerumb auffersstanden.

Joan. 14.  
15. 16.  
Nutzbarkeit der Himmelfart Christi.

Matth. 23.

Disem allem/ ihr meine liebe Jünger/ wie Jesus sagt/ ist also vnd nit anderst/ solt hieran auch genzlich nit zweiffeln. Dann/ glaubet ihr



Apostel ge-  
porne Jüde.

Christus ist  
ein wahrer  
Natürl-  
cher Sohn  
Gottes.

an GOTT/ so glaubet auch an mich. Daß  
mir ist nit vn bewust/ vnd ihr bekennt auch gern/  
daß ihr geporne Jüden/ vnd also auß der zal der  
jenigen seyd/ so an vnd in GOTT den Vatter  
glauben/ welcher mit Mose vnd andern Pro-  
pheten geredet/ euch die zehen Geyott vnd das  
Gesaz geben hat. Wann dann nun GOTT der  
Himmelisch Vatter/ euch/ jekund diß alles was  
ihr alda von mir gehört/ gesagt hette/ weiß ich  
wol/ ihr würdet an seinen worten nit zweiffen/  
seiternaln ihr in ihn glaubt/ vnd wißt/ daß er nit/  
weder liegen noch betriegen kan/ vnd diß alles ist  
billich vnd recht. Weil aber deme also/ so glaubt  
auch an vnd in mich nit weniger als in GOTT  
den Vatter/ dann ich bin sein Einiger/ Eingeborner/  
Natürlicher Sohn/ ihme vnd dem H. Geist in allen dingen gleich/ Ja sampt ihme vnd  
dem H. Geist ein wahrer/ Ewiger GOTT/ also/  
daß ich eben so wenig als er liegen oder betriegen  
kan. Solt derhalben ihr an allem deme/ so ihr  
jekund vñ jeder zeit von mir gehört/ nit zweiffeln/  
sonder ebenmessigen glauben geben/ als wann  
euchs GOTT mein Himmelischer Vatter selbst  
gesagt hett.

Auff daß aber weder seine Jünger/ noch je-  
mädts anders/ so vil/ oder etliche Peyn/ Marter  
vnd er wann auch den tod/ vmb Christi/ des Ca-  
tholischen Glaubens/ vnd vmb der Warheit wil-  
len leidet/ nit er wann vermeynen möchte: GOTT  
werde ihme kein belohnung außtheilen/ sehet der  
Herr als bald dise wort hinzu: In meines  
Vatters Haus seynd vil wohnungē. Wo



es andst were/wolte ich euchſ gesagt habē.

Seines Vatters Hauß ist das Himmelreich/  
die Wohnung der Ewigen frewd vnd Selig-  
keit. Darinnen ist GOTT mit seiner Glory vnd  
Herrlichkeit/darinnen ist MARIA die H. Mutter  
GOTTES. Darinnen ſeynd die Engel GOT-  
TES. Darinnen ſeynd die Apoſtel/ H. Marty-  
rer/ Weichtiger/ Jüngfrauen/ Witfrauen/  
ſampt den jenigen ſo hie auff Erden im Ehtand  
gelebt/ Catholiſch glaubt/ vnd Chriſtlich geſtor-  
ben ſeynd. Ob gleichwol diſe alle Selig ſeynd/  
vnd ohne vnderlaß das H. Angeſicht GOTTES  
ſchauwen/ſo ſeynd doch neun Chör der Engeln/  
a/ſo/ daß immer einer höher dann der ander iſt.  
Alſo ſeynd auch alle Heiligen eigentlich vnd we-  
ſentlich Selig/ aber an der zufelligen Beloh-  
nung vnd Gaben ſeynd ſie einandern nit gleich.  
Der jenig/ ſo neben dem Catholiſchen Glauben/  
ſehr geliebt/ vil gelitten/ vnd in ſeinem leben vil  
guts gethon hat/ der hat im Himmel einen an-  
dern Sitz/ ein höhere wohnung/ vnd gröſſere  
tron/ daß der ander/ ſo auch Catholiſch/ frumb  
geweſen iſt/ aber doch nit vil gelitten vmb Chriſti  
willen/ auch ſo vil guts/ als jener/ nit gewirckt  
in ſeinem leben. Vnd die gelehrten/ſpricht Da-  
niel/die Gerechten/ſpricht der Weiß Man vnd  
Chriſtus/ werden leuchten wie die Sonn vnd  
Sterne in ihres Vatters Reich. Vnd/wie der  
H. Paulus lehret; Ein andere klarheit hat die  
Sonn/ein andere klarheit hat der Mond/ ein an-  
dere klarheit haben die Sterne/denn ein Stern  
hat einen vnderſchid von den anderen Sternen

Wer im  
Hauß Got-  
tes ſey.

Neun Chör  
der Engel.

1. Cor. 12. 15.

Dan. 12.

Sap. 7.

Matth. 13.

1. Cor. 15.

Ein Heilig  
hat mehr  
klarheit dann  
der ander.



## Am Feyertag der H. Aposteln

in der klarheit. Also auch die Auferstehung der todten ꝛc.

Nach deme  
wir hie Rit-  
terlich sech-  
tē/ also wer-  
den wir dort  
herrlich ge-  
krönt.

Will verhalten vnser lieber Herr Christus/  
seinen Jüngern mit disen Worten: In meines  
Vatters Haus seynd vil Wohnungen ꝛc.  
dis anzeigen: Daß sie/ die Apostel alle/ samptlich  
auch sonderlich/ ein hohe oder nidrige Wohnung  
im Himmel bekommen sollen/ nach deme sie hie  
auff Erden vil oder wenig/ willig oder vnwillig/  
ymb seines heiligen Namens willen leiden wer-  
den. Die geringste Peyn vnd Marter/ geschwi-  
gen des Tods/ solle ihne neben besizung der Sel-  
ligkeit/ mit zufelligen Gnaden/ Gaben vñ Kron  
nit ohne belohnet bleiben. Also auch zu antwor-  
ren von anderer ihrer mühe vnd arbeit/ lehren  
vnd Predigen/ ermanen vnd bekeren. Sie sollen  
nit traurig / sonder auß vorsagung diser ihrer  
verfolgung frölich werden/ vnd wissen: Daß al-  
le Peyn/ Marter vnd Tod hie auff Erden gelit-  
ten/ gegen der Belohnung in seines Vatters  
haus/ nichts sene.

Was bißhero/ ihr Geliebten in GOTT/ von  
den Aposteln Christi gesagt ist worden/ soll auch  
von allen vnd jeden Christen/ so jeder zeit gelebt/  
noch leben/ vnd forthin biß zum Jüngsten tag le-  
ben werden/ verstanden vnd geredt seyn. Das  
wissen wir wol/ vnd zwar auß dem H. Mund  
Christi selbst: Daß wann wir ihme nachfol-  
gen wollen/ müssen wir vnser Creuz auff vns  
nehmen vnd ihme nachfolgen: wo nit/ so seynd  
wir seinen nit würdig. So kan es auch weder der  
Teufel noch die Welt leiden/ daß die recht gut  
Catho

Matth. 16.

Mar. 8.

Luc. 9. 14.



Catholischen Christen/ohne anfechtung/verfol-  
 gung/Peyn/Marter vñ Tod leben könden/son-  
 der müssen immer/ jekund vom Fleisch/ jekund  
 vom bösen Geist/ jekund von der Welt/ von den  
 Tyrannen/ Ketzern/ verfolgung leiden: müssen  
 einweder Christum vñ den Catholischen Glau-  
 ben verleugnen/ oder sich lassen stöcken vnd blö-  
 cken/ Martern vnd tödten. Will dann nun je-  
 mandts vnder vns/ der Ewigen verdänuß vber-  
 haben/ der Ewigen Seligkeit theilhafftig/ vñ de-  
 sto einer höhern Kron in vnfers Vatters haus  
 gewertig seyn/ der muß auff der bekätnuß Chri-  
 sti vnd des Catholischen Glaubens/ biß an das  
 ende seines lebens verharren/ vnd solte er auch  
 den bitteren tod leiden müssen.

Wahr-  
 Christe müs-  
 sen immer  
 verfolgung  
 leiden.

Verharren  
 biß zum ende.  
 de.

Wie sich aber hierzu ein Catholischer Christ  
 ferners verhalten möge vnd soll/ wollen wir je-  
 kund/ im andern vnd letzten theil vorhabender  
 Predigt/ lehren vnd hören.

**Z**eweil vil/ vnd sondlich die Gnad  
 vnd beystand GOTTES/ zur Gedult  
 in trübsal/ zur bestandthafftigkeit in  
 bekantnuß des Christlichen Namens vnd Ca-  
 tholischen Glaubens/ erfordert wirdt/ reiket  
 vns Christus der Herr/ ja fordert von vns/  
 wir sollen ihne sicherlich vnd fecklich vmb hilff/  
 Gnad vnd Beystand anschreyen/ verspricht  
 beyneben vns zu hören/ erhören/ vnd gern helf-  
 fen/ vnd diß seynd seine wort vnd Beschluß  
 diß heurigen Euangelij: Vnd alles das ihr  
 den Vatter in meinem Namen bitten wer-  
 det/ das will ich thun/ auff daß der Vate-



Am Feyertag der H. Aposteln

ter gepreiset werde in dem Sohn. So ihr mich etwas bittet in meinem Namen/ das wil ich thun. Was im Namen GOTTES bitten heisse vnd seye/ haben wir an einem anderen ort gehandelt/ ist derhalben alda solechs widerumb zu erholen nit von nöten/ gnug ist mit zweyen worten zu meldē: Daß der jenig im Namen GOTTES bittet vnd bittet/ der nit begert/ einweder was wider den Willen GOTTES/ seines Nechsten/ oder wider seiner Seelen heil ist. In vorhabender Materij aber/ danon wir auff heut handlen/ thun wir nit/ weder wider den Willen GOTTES/ nit wider die Liebe vnser Nechsten/ noch wider vnser Seelen heil/ wañ wir nemlich in verfolgung der Tyrannen/ Türckē/ Keger/ so vns vom Christlichen Glauben/ vnd der bekantnuß des heiligen Namens Christi/ abwendig zu machen/ mit worten/ wercken vnd Schwerdt/ vnderstehn/ zu GOTT lauffen/ vmb hilff/ Rettung/ beystand/ Gnad/ vnd behütung seiner Christlichen Kirchen/ schreyen: Auch nit/ wann wir in anderm anliegen/ als in Armut/ Kranckheit/ traurigkeit/ zu ihme kommen/ ihne als vnsern barmhertzigen vnd gütigen Vatter/ bitten/ er wölle vns vor allem vbel behüten vnd entledigen.

In 8 Creuz  
mochen.

Im Namen  
Gottes bit-  
ten.

In allem  
vnserm an-  
liegen sollen  
wir zu Gott  
lauffen.

Verstendlg  
soll man von  
Gott bit-ten.

Doch muß in disen beiden/ nämlich in verfolgung wegen des Catholischen Glaubens/ vñ anderer täglichen trübsal/ vernünfftig/ verstendig/ mit gutem vndercheid vmb hilff von GOTT gebetten/ oder nit gebetten werden.

Was das erste Pünctlin/ als die verfolgung  
wegen



wegen des N. Namens Christi/belange/kan vnder andern auff zweyerley weiß vnd wege/wider den Willen GOTTES gehandelt werden.

Erstlich: Do sich jemandis willig vnd mutwillig/ohne not vnd nutz der Christlichen Kirchen/selbsten/in gefahr vnd hand des Türcken/ Tyrannen oder Keker geben wolt/darumb/das er möchte wegen des Christlichen Glaubens gemartert vnd getödt werden. Ob einen solchen Menschen hierzu/der gute Geist oder sein eighum sucht vnd Ehrgeizigkeit getrieben hette/könte nit gewiß angezeigt werden. Vnd wann dis recht/löblich/vnd Christo angemem were/so könnten sich in einem Monat/alle Catholische Christen in die hand vnd Schwerdt des Türckens/anderer Mamelucken vnd Keker ergeben. Dis aber hiesse den Christlichen Glauben vnd die Christliche Kyrch nit erweitert/sonder in einem Monat aufgelescht / vnd also / zweifels ohne/GOTT mehr erzürnt dann geliebt. Vnd ist also nit nötig/das man GOTT bitte/vns in die hand der Feind des Christlichen Glaubens zu geben darumb das wir Marterer werden / seitemaln wir auch sonst wol könden selig werden. Also seynd auch die zwölff Apostel/zween vnd sibentzig Jünger/ein gute anzahl vnder den fünffhundert Brüdern / vnd sonst vil tausent Lehrer vnd Prediger/in die länder der Unglaubigen/Juden vnd Heyden gezogen / nit eigentlich dieser vrsach das sie sich mutwillig in Peyn/Marter vnd Tod ergeben/sonder/das sie lehren/Predigen/ vnd vil volcks zu Christo bekeren wollen.



So lesen wir auch in H. Schrift mehrmaln/  
daß Moses/ Josua/ die Machabeer/ das Volck  
vnd Glauben GOTTES zu erhalten/ wider die  
Vnglaubigen gestritten haben/ vnd diß nit allein  
auff sonderlichem gefallen/ sonder auch auß be-  
uelch GOTTES.

Vnd das noch mehr ist/ kan vnd mag auch  
(meines erachtens) ein Christ/ so jezund den  
Türcken/ Tyrannen oder Keker vor augē siher/  
weist daß er sterben muß/ kan aber noch entwei-  
chen/ lenger bey seinem leben vnd ein Catholi-  
scher Christ bleiben/ so soll er / sprich ich/ auß-  
reissen/ vnd sich nit willig noch mutwillig in ge-  
fahr begeben/ auff daß er nit darinnen verder-  
be. Es were denn sach/ daß ihme GOTT ein  
andere offenbaret hette / nemlich/ daß er eben  
jezund vnd alda leiden müsse/ oder/ daß er jezund  
mit seiner Bekantnuß Christi/ Peyn/ Marter  
vnd Tod/ einen mercklichen nutz schaffen könnte/  
zur sterckung vnd bekerung viler leut. Christus  
vnser Herr/ ist vns desse selbstē ein Exempel/  
dann auch er/ sampt seiner lieben Mutter vnd  
dem Joseph/ die verfolgung Herodis Afcalonite  
gestoßen ist. Widerumb zur anderen zeit/ als  
ihn die Jüden auff einen Berg gefürt/ auff daß  
sie ihne hinab stürzten/ gieng er mitten durch  
sie hin. Zum dritten/ als sie ihn steinigen wolten/  
gieng er zum Tempel hinauß / vnd verbirget  
sich. Der Engel selbstē füret Petrum den ober-  
sten vnder den Aposteln auß der hand vnd ker-  
cker Herodis Agrippe. Der H. Paulus liesse  
sich zu Damasco in einemkorb vber die Mau-  
ren

Ecc1.3.

Matth.2.

Luc.4.

Joan.8.

Acor.12.

2,Cor.11.



ren hinauß/ vnd entranne dem Landtuoht des Königs Arete/ der ihn greiffen wolt. So hat der Herr selbstē gesagt: Wann sie euch in einer Stadt verfolgen/ so fliehet in ein andere. Soll derhalben niemands GOTT bitten/ daß er ihne den Vnglaubigen in die hand geben wölle: solle sich auch keiner selbstē willig vnd mutwillig in gefahr begeben/ er wisse dan auß sonderlicher offenbarung/ daß es eben jekund vnd also der will GOTTES seye.

Fürs ander/ do aber jemandts von Vnglaubigen/ von Ruckern/ gefangen vnd zu verleugnung des H. Namens Christi vnd des Christlichen Catholischen Glaubens gehalten würde/ soll er sich gänglich in den willen GOTTES begeben/ vnd in seinem Namen von ihme bitten vnd begeren/ daß jekund sein Göttlicher Will geschehē soll. Seye es der Will GOTTES/ daß diser kelch von ihme genommen soll werden/ vnd er seinen Namen lenger bekennen/ mehr gutes hie auff Erden thun/ mit ermanē/lehren/ Schreiben/ Predigen lenger der Kyrch vorstehn soll/ im Namen GOTTES/ so seye er gehorsam vnd willig lenger vnd vleissiger in seinem Weinberg zu arbeiten. Wo nit/ sonder sey es sein Göttlicher Will/ daß er eben jekund seinen Namen vnd Glauben bekennen/ vnd deromegen sein Blut vergiessen vnd den bitteren tod leiden soll/ so seye er auch willig/ geneigt vnd bereit/ jekund zu sterben. Allein bitte er GOTT ganz Gott bitten vnderthenig vmb beystand/ seinen Segen vnd vmb bey- stand. Gnad/ daß er kecklich/ vnerschrockē vñ bestandt- hafftig/



hafftig/ seinen H. Namen vnd Glauben bekennen/ vnd allerley Peyn/ Marter vñ tod/ gedultig leiden/ Christlich sterben/ ewig selig werden/ vnd droben im Himmel ein desto höhere kron erlangen möge. Also soll; jener GOTT nit bitten/ daß er ihne/ ohne vrsach/ in die hende seiner Feind geben soll: Diser nit/ daß ihn GOTT wider seinen Göttlichen Willen darauß nehmen soll/ auff daß sie all beide im Namen GOTTES betten vnd bitten.

Ebenmessig möchte auch (wann dise Predig nit zu lág wurde) von andern/ wo nit durchauß/ doch eins theils/ so in Trübsal/ Armut/ Kranckheit/ angst vnd not/ widerwertigkeit vnd andern anligen beladen/ geantwortet werden. Dañ auch ein guter theil derselbigē/ GOTT/ in seinem Namen/ etwann auß hinlessigkeit/ etwann auß nit achtung/ verachtung/ Vnglauben/ vmb behütung vor allem vbel/ vmb das Brot vnd tägliche Narung/ vmb abwendung der Kranckheiten vnd anderer Beschweruß nit bittet. Der ander theil aber/ bittet nit vmb Gedult/ solche Kranckheit/ Armut vnd andere Nuten/ so ihnen GOTT wegen ihrer Sünd geschickt/ zu leiden vnd endlich selig werdē. Aber von disem kan sekund nach notturfft/ seitemaln ohne das dise Predig albereit ihr gebürliche lerg erreicht hat/ nit gehandelt werden/ zu seiner zeit soll es geschehen.

Mit wenig worten wollen wir zum Beschluß diser Predig vermelden/ wie sich dise zween H. Apostel Philippus vnd Jacobus/ deren Fest wir auff heut halten/ hierinnen verhalten haben.

Phi

Im Namen  
Goues bitten.

Bitten vmb  
gedult.



Philippus war von Bethsaida in Galilea gepo-  
ren/vnd alters halben der jüngst vnder den Apo-  
steln/hat nach der Apostel theilung zwentzig Jar  
in Sythia geprediget / vnd die Barbarischen  
Scythen schier all zum Christlichen Glauben  
bekert/vñ Kyrche gebawet/vñ Priester gewey-  
het / den Abgott Martis vmbgeworffen / das  
Creuz auffgericht/einen giftigen Dracken auß-  
getilget. Darnach ist er in Asien gen Hierapolis  
gezogen/daselbstē die Ketzerey der Ebioniter auß-  
gelescht/auch seinen tod siben tag vor an gewist.  
Ist von den Vnglaubigen gefangē/gecreuzigt/  
auch am Creuz versteinigt worden/vñ also zum  
Herren gefaren im siben vnd achtzigsten Jar sei-  
nes alters 2c.

Jacobus (welcher auch ein Bruder des Her-  
ren genennet ist worden/seitemaln sie/dem fleisch  
nach/auf zweyen Schwestern geporen/vnd ein-  
andern auch nit vngleich gesehen haben) der  
Minder/ist von Mutter leib geheiligt gewesen/  
hat nie keinen Wein/ noch tranck so truncken  
macht/ getruncken/die haar nit geschoren/ war  
allein mit einer Leinwath angethon/ vnd einer  
solchen Heiligkeit/das das Volck sich trang/vnd  
zanclet damit es seinen kleidsaum anrūret/hat  
die erste Mess zu Jerusalem gehalten/emösig im  
Gebett / hat als ein Bischoue die Kyrchen zu  
Jerusalem dreissig Jar regirt. Ist endlich von  
den Hohenpriestern/wegen der bekantnuß Chri-  
sti/ab der zinnen des Tempels gestürzet/ vnd do-  
er noch für sie bettet/ ist er gesteiniget/ vnd mit  
einer Färber oder Walcker stangen zu tode ge-

Philippus  
von Beth-  
saida.

Philippus  
ist gecreuzigt  
get vnd ver-  
steinigt  
worden.

Jacobus  
ein Sohn  
Alphei vnd  
Marie Cleo-  
oppe.

Jacobus  
hat die erste  
Mess zu Je-  
rusalem ge-  
halten.

Jacobi tod.  
schla.



schlagen/ vnd bey dem Tempel begraben worden 22.

Haben also gehört/ daß sich beide gemelte Apostel diesem heutigen Euangelio durchaus gemess verhalten haben. Sie haben sich/ den Namen Christi zu bekennen/ weder vor den Jüden noch Heyden nit entsetzt/ haben sich zu leiden vnd sterben nit beschwert/ aber doch sich selbst auch mitwillig nit in gefahr begeben: do sie aber gefangen seynd worden/ haben sie Christum nit verleugnet/ auch wider seinen Willen des Tods nit begert vberhabē zu seyn/ sonder vmb beystand vnd Gnad GOTTES gebetten/ bestendig vñ willig zu leiden vnd sterben. Auff daß auch wir ihnen/ zur zeit der not/ hie auff Erden/ vñ volgendes in das Himmelreich nachfolgen mögen/ so lasset vns zu Christo vnserm Heiland also betten:

Ein Gebett  
zu Christo  
vnserm Her-  
ren/ den künig-  
sten Inhalt  
dieser Predig  
begreifffend.

**W**ir dancken dir erstlich/ O Herr  
IESU Christ/ daß du in deinem  
letsten Abendmal/ nit allein dei-  
nen Jüngern/ sonder auch vns Christen  
allen zu vor gesagt hast: Daß die rechten  
Christen/ wegen deines heiligen Namens  
vñ Christlichen Glaubens/ von der Welt/  
von den Vnglaubigen/ Tyrannen/ Kes-  
ser/ vil verfolgung/ nachstellung/ Neid/  
Haf/ zorn/ Peyn/ Marter/ vnd zu zeiten  
auch den bitteren Tod leiden müssen/ vnd  
daneben vns getröst/ wir sollen geherzig/  
vnerschrocken vnd bestandthafftig seyn.  
Bitten dich derhalben gank vnderthenig/  
vmb



Am tag d<sup>r</sup> H. Junckfrauwe Walpurgē. 29.

umb sendung deines H. Geists / der uns  
vns<sup>r</sup> Herz also erleuchten wolle / daß wir  
nach dem Exempel Philippi vnd Jacobi /  
deren Fest wir auff heut halten / zur selbi-  
gen zeit / willig vnd biß in den tod bestendig  
seyn mögen / vnd also mit ihnen selig / vnd  
droben im Himmel desto einer herrliche-  
ren Wohnung mögen theilhaftig wer-  
den / Amen.

Am tag der H. Junckfrauen

Walpurgē / zum Theil im Eych<sup>st</sup>

statter Bistumb Feyerlich.

Am 1. tag  
im Meyen.

**W**iff heut / nemlich auff das  
Fest Philippi vnd Jacobi / so am  
ersten tag im Meyen gefalle / wirdt  
im löblichen vnd gut Catholischen  
Bistumb Eychstat / das Fest der heiligen Junck-  
frauen Walpurgē gehalten / welche ein Doch-  
ter des Engellendischen Königs Richardi / vnd  
ein Schwester Willibaldi des ersten Bischoues  
zu Eychstat / vnd Wunibaldi des H. Abts zu  
Heydenheim / gewesen ist. Dife Walpurga war  
samt ihrem Vatter / Willibaldo / Wunibal-  
do / Bonifacio / Willibrordo / Wigberto / Leb-  
no / Sola zc. vast die erste so in Engelland / wel-  
che Insel noch voller Abgötterey vnd finster-  
nuß war / den Christlichen Glauben / auß ver-  
kündigung vnd Predigt eines Augustini vnd  
Meliti vom Pappst Gregorio Magno dahin ge-  
sandt / angenommen hat / reiset volgendts samt  
ihrem

Walpurga  
eines Kö-  
nigs Doch-  
ter.